



ԼԵՈՆ ՄԵԼԻՔՍԵԹԻ ՄԵԼԻՔՍԵԹ-ՔԵԼԻ

73 տարեկան հասակում իր մահկանացուն կենեց Հայկական ՍՍՌ ԳԱ րդրակից-անդամ, Վրացական ՍՍՌ գիտության վաստակավոր գործիչ, պատմական գիտությունների դոկտոր-պրոֆեսոր Լեոն Մելիքսեթի Մելիքսեթ-Քելի: Մեռավ Անդրկովկասի նշանավոր աղբյուրագետ, պատմաբանն ու հնագետ, հայ-վրացական բանասիրության խոշորագույն ներկայացուցիչներից մեկը:

Ավելի քան 50 տարի պրոֆ. Լ. Մելիքսեթ-Քելի հետախուզում, հայտնաբերում և հրապարակում էր հայ, վրաց և ադրբեջանական ժողովուրդների պատմական անցյալի նոր էջեր, այդ ժողովուրդների պատմական ու ստեղծագործական կյանքի զուգադիպումները և բնդհանրությունները, նրանց եղբայ-

րությամբ, փոխադարձ բմբոսման, սերտ կապերի և սրտակից հարաբերությունների նոր դրվագներ: Առսոնձնապես խոր և բնդարձակ են հայ-վրացական պատմական և կուլտուրական կապերի ուսումնասիրությունները, որոնց ամփոփումն ու զլովխորժոցը դարձավ Լ. Մելիքսեր-Քեկի «Վրաց աղբյուրներ: հայերի մասին» քառահատոր աշխատությունը: Բազմաթիվ են Լ. Մելիքսեր-Քեկի ուսումնասիրություններն ու հողվածները նվիրված հայ և ոռոս ժողովուրդների հնագույն կապերին: Վրացական բանասիրության, պատմության և հնագիտության խնդիրներին նվիրված նրա բազմաթիվ ուսումնասիրություններից շենք կարող չհիշատակել «Մեղալիտյան կուլտուրան Վրաստանում» հետազոտությունը, որտեղ հանրագումարի բերելով իր պրպտումները, անվանի գիտնականը հայտնաբերում է կիկլոպյան կառուցվածքներ և մեներ-վիշապներ վրացական տերիտորիայի վրա, ցուցադրելով Վրաստանի մշակույթի բնդհանրությունը Հայաստանի «վիշապյան» շրջանի կուլտուրայի հետ: Նրա աշխատությունները մեծ չափով կօգնեն մեղ նոր հետազոտություններ, նոր բնդարձակ աշխատություններ ստեղծելու, անցյալի արժեքները հայտնաբերելու, գնահատելու և ժողովրդականացնելու գործում:

Ժրաշան պրպտող, անշահախնդիր հետազոտող և գնահատող, գիտության հարցերի լուծմ նր անկանխակալ ձեռնարկող, ժողովուրդների փոխադարձ սիրո անդու պրոպագանդող էր պրոֆեսոր Լ. Մելիքսեր-Քեկը: Նա ուրիշների աշխատությունները կարդում էր ու գնահատում, վերլուծում և որակում՝ իրեն անող կադրերի մեծ բարեկամ: Ավելի քան 60 դիսերտացիայի գնահատական է տվել նա, հանդես գալով իրեն բնդդիմախոս: Մեր խոշոր գիտնականներից շատերին աստիճաններ բաշխելու գործում մասնակից է եղել, պատրաստել է հայագետներ Հայաստանի և Վրաստանի համար, ուսուցանել է շուրջ 50 տարի ու պատրաստել մտավոր աշխատանքի հարյուրավոր մշակներ: Անհանգիստ, անդու աշխատանքով, գիտական բուռն որոնումներով, ուսուցանելով ու գնահատելով, օգնելով ու բարձրացնելով հեռավորին ու մերձավորին, ապրեց պրոֆ. Լ. Մելիքսեր-Քեկը և մեռավ, բողնելով գիտության ագնիվ մշակի, գիտության աշխատավորի, ագնիվ ու անշահախնդիր բարեկամի և ժողովուրդների բարեկամության մեծ շատագովի անուն:

Հայկ. ՍՍՌ ԳԱ ակադեմիկոս

Ա. ՂԱՐԻՔՅԱՆ